



Broj : 01-01-26-695-2-I/10

Sarajevo, 09.02.2011. godine

Na osnovu člana 25. stav (1) tačka f) Zakona o konkurenciji („Službeni glasnik BiH“ br. 48/05, 76/07 i 80/09), rješavajući po Zahtjevu privrednog subjekta *Akt.online d.o.o* Sarajevo, zaprimljenog dana 07.09.2010. godine, pod brojem: 01-01-26-695-I/10, Konkurencijskog vijeće je na 8.(osmoj) sjednici održanoj dana 09.02.2011.godine donijelo

MIŠLJENJE

Konkurencijskom vijeću je dostavljen Zahtjev za mišljenje od strane privrednog subjekta *Akt.online d.o.o* Sarajevo, zaprimljen dana 07.09.2010.godine pod brojem: 01-01-26-695-I/10, kojim se traži ocjena konkurentnosti cijena za terminaciju međunarodnog saobraćaja u mreži privrednog subjekta BH Telekom d.d. Sarajevo.

Privredni subjekat *Akt.online d.o.o* Sarajevo je privredni subjekat sa pretežnom djelatnošću pružanja telekomunikacijskih usluga i alternativni operater usluga javne fiksne telefonije.

Privredni subjekat *Akt.online d.o.o* Sarajevo je zaključio ugovor o interkonekciji sa privrednim subjektom BH Telekom d.d Sarajevo.

Privredni subjekat BH Telekom d.d Sarajevo je nakon zaključenja navedenog ugovora dostavio Aneks ugovora o interkonekciji sa novom ponudom za terminaciju međunarodnog saobraćaja u mrežu BH Telekoma. Ovim aneksom se nude bolji komercijalni uslovi alternativnim operaterima ukoliko žele ograničiti količinu saobraćaja koji terminiraju u mrežu BH Telekoma. U ponudi je također naveden i model sa neograničenom količinom saobraćaja sa nepovoljnijim komercijalnim uslovima.

U Zahtjevu je dalje navedeno da ponuđene cijene nisu konkurentne cijenama koje privredni subjekat BH Telekom d.d Sarajevo nudi, kroz bilateralne ugovore, inostranim operaterima, jer se ponuđena cijena za minutu terminiranog saobraćaja u slučaju alternativnih operatera uvećava za iznos direktnih troškova interkonekcije. Direktni troškovi interkonekcije variraju u zavisnosti od ukupnog saobraćaja, što znači da se ponuđena cijena mora povećati za iznos direktnih troškova.

Privredni subjekat *Akt.online d.o.o* Sarajevo ističe da je Aneksom ugovora ponuđena cijena uvećana za iznos direktnih troškova, trebala biti konkurentna u odnosu na cijenu koju privredni subjekat BH Telekom d.d Sarajevo nudi na međunarodnom tržištu inostranim operaterima.

Uvidom u podneseni Zahtjev, Konkurencijsko vijeće ne može bez provedenog postupka ocijeniti da li su konkurentne cijene za terminaciju međunarodnog saobraćaja koju nudi privredni subjekat BH Telekom d.d. Sarajevo alternativnim operaterima sa cijenama koje nudi za istu uslugu inostranim operaterima.

Kako je u međuvremenu privredni subjekat *Akt.online d.o.o* Sarajevo podnio Konkurencijskom vijeću Zahtjev za pokretanje postupka zbog sumnje o postojanju zloupotrebe dominantnog položaja u smislu člana 10. Zakona o konkurenciji, protiv privrednog subjekta BH Telekom d.d. Sarajevo, istim su obuhvaćena pitanja navedena u Zahtjevu za mišljenje.

Slijedom navedenog, Konkurencijsko vijeće će o istom odlučiti u skladu sa Zakonom o konkurenciji i ostalim podzakonskim aktima.

Predsjednik

dr Stjepo Pranjić